

Spectáculum facti sumus, de communi Confes. non Pontific. pag. xvi.

FESTA FEBRUARII.

I. FEBRUARII.
In festo S. Ignatii Episcopi & Martyris.

Léctio Epistolæ Beati Pauli Apóstoli ad Romanos.

Fratres, Quis nos separabit à charitate Christi? Tribulatio, an angustia, an fames, an nuditas, an periculum, an persecutio, an gladius? (sicut scriptum est: Quia propter te mortificamur tota die: aestimati sumus sicut oves occisionis) Sed in his omnibus superamus propter eum, qui dilexit nos. Certus sum enim, quia neque mors, neque vita, neque

Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare à charitate Dei, quae est in Christo Jesu Domino nostro.

II. FEBRUARII.
In festo Purificationis B. M. V.

Léctio Malachiae Prophetæ.

Hæc dicit Dominus Deus: Ecce ego mitto Angelum meum, & preparabit viam ante faciem meam. Et statim veniet ad templum suum Dominator, quem vos queritis; & Angelus testamenti, quem vos vultis. Ecce venit, dicit Dominus exercituum: & quis poterit cogitare

diem

diem adventus ejus, & quis stabit ad videndum eum? Ipse enim quasi ignis conflans, & quasi herba fullonum: & sedebit confians, & emundans argentum, & purgabit filios Levi, & colabit eos quasi aurum, & quasi argentum, & erunt Domino offerentes sacrificia in justitia. Et placabit Domino sacrificium Iuda & Jerusalēm, sicut dies saeculi, & sicut anni antiqui: dicit Dominus omnipotens.

III. FEBRUARII.
In festo S. Blasii Episcopi & Mart. Epist. Benedictus Deus & Pater, ut in commun. unius Mart. Pontif. pag. ii.

IV. FEBRUARII.
In festo S. Andréæ Corsini Episc. & Conf. Epist. Ecce Sacérdos, de com-

mún. Conf. Pont. pag. xii.

V. FEBRUARII.
In festo S. Agathæ Virgini & Martyris.

Léctio Epistolæ Beati Pauli Apóstoli ad Corínthios.

Fratres, Videte vocatiōnem vestram, quia non multi sapiētes secundūm carnem, non multi potentes, non multi nobiles: sed quae stulta sunt mundi elēgit Deus, ut confundat sapiētes: & infirma mundi elēgit Deus, ut confundat fortia: & ignobilia mundi & contemptibilia elēgit Deus, & ea quae non sunt, ut ea quae sunt destrueret: ut non gloriētur omnis caro in conspectu ejus. Ex ipso autem vos estis in Christo Jesu, qui factus est nobis sapiētia

à

à Deo, & justitia, & sanctificatio, & redemptio: ut quemadmodum scriptum est: Qui gloriatur, in Dómino gloriétur.

VI. FEBRUARII.

In festo S. Dorótheæ Virginis & Mártyris, Epist. Dómine Deus meus, de communi Vírginum & Martyr. pag. xix.

VII. FEBRUARII.

In festo S. Romuáldi Abbat. Epist. Diléctus Deo, de communi Abbátum, pag. xviii.

VIII. FEBRUARII.

In festo S. Joánnis de Martha Conf. Epistola: Beatus vir, de comm. Confes. pag. xvi.

IX. FEBRUARII.

In festo S. Apollóniae Virginis & Mártyris. Epistola: Confitêbor ti-

bi Dómine, de communi Vírginum & Martyr. pag. xviii.

X. FEBRUARII.

In festo S. Scholásticæ Virgin. Epistol. Fratres, qui gloriatur, de communi Virg. pag. xix.

XIV. FEBRUARII.

In festo S. Valentíni Presbyteri & Mart. Epist. Justum dedúxit Dóminus, de communi unius Martyr. non Pontific. pag. iii.

XV. FEBRUARII.

In festo SS. Mártyrum Faustíni & Jovítæ, Epist. Fratres, Rememorámini prístinos dies, de communi plurimorum Mártyrum, pag. ix.

XVIII. FEBRUARII.

In festo S. Simeônis Ep. & Mart. Epist. Charissi-

mi,

mi, Beatus vir qui suffert tentatiōnem, de commūn. unius Mart. Pontif. pag. i.

XXII. FEBRUARII.

In Cáthedra Antiochêna S. Petri Apóstoli, Epistola: Petrus Apóstolus Jesu Christi, ut in Cáthedra Româna, xviii. Januárii, pag. 168.

XXIII. vel XXIV. FEB.

In Vigília sancti Matthiæ, Epist. Benedíctio Dómini, de Vigilia unius Apostol. pag. i.

XXIV. vel XXV. FEB.

In festo sancti Matthiæ Apóstoli.

Léctio Actuum Apostolorum.

Act. IN diébus illis: Exúrgens Petrus in médio fratum, dixit (erat autem turba hómi-

num simùl ferè centum viginti.) Viri fratres, opórtet impléri Scripturam, quam prædixit Spíritus sanctus per os David de Juda, qui fuit dux eorum, qui comprehéndérunt Jesum: qui connumerátus erat in nobis, & sortitus est sortem ministérii hujus. Et hic quidem possédit agrum de mercéde iniquitatis, & suspénsus crépuit médius: & diffusa sunt ómnia víscera ejus. Et notum factum est ómnibus habitantibus Jerúsalem, ita ut appellaretur ager ille lingua eorum, Hacél-dama, hoc est, ager sanguinis. Scriptum est enim in libro Psalmôrum: Fiat commoratio eorum deserta, & non sit qui inhábitet in ea: & episcopatum ejus accípiat alter. Opórtet ergo ex his viris, qui nobíscum sunt con-